



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt LXXX.

urn:nbn:de:hbz:466:1-11261

to, Chritti millesimo centesimo quadragesimo octauo. Item ab Alexandro diuisum est hoc monasterium ab Haffligemiensi, de consensu Abbatis Haffligemiensis, vt idem Abbas eligatur, per Guilielmum Remensem Archiepiscopum. Actum anno Domini millesimo centesimo octogesimo octauo. Item præsente Philippo Flandrensi Comite, monasteriũ Haffligemiense quitauit Ecclesiam prædictã & liberam ab omni iurisdictione penitus, & absolutam clamauit, consentiens super electione Abbatis ibidem. Actum an. Domini millesimo centesimo octogesimo octauo. *Hactenus ille.*

CAPVT LXXX.

*Monasterium S. Petri in monte Matrona.
apud Bauaros.*

IN vertice Matronæ montis, qui in superiori Bauaria D. Petro dicatus, Oeno continuatur, supra castrum *Falckenstein*, atque in illius ditione situm monasterium *Berchtoldus Comes ab Andechs & Dissen*, Monachis S. benedicti ædem condidit, circa annum 1100. Sic Auentinus. Alibi sic ponit, *Arnulphi Comitis filij, Poppo, Berchtoldus primus, Otto Vvolfratshusius, & Gebhardus, hoc monasterium fundarunt.* Defecit hoc monasterium postea, atque excisum est eo bello, quod Rudolphus **D**UX Bauariæ, iussu soceri, sui Adolphi, Rom.

1100.

Regis

Regis, contra Menardi Ducis Carinthiæ & Comitis Tyrolensis filios rebelles Imperij, gessit. Monachis in exilium actis, Conradus ad *Hornstam* eiusdem religionis, sacras reliquias ac librum Missalem perueterem (quæ adhuc hodie monstrantur,) secum abstulit, anno 1296, atque in sanctum montem *Andex* portauit, iuxta Auentinum lib. 7. Annalium. Deinde monasterium hoc in Præposituram abiit, quam Princeps plerumque alicui ex aulicis sacerdotibus confert, qui ibi vicarium habet, absque vlla animarum cura, quæ ad parochiam *Flinspach* ditionis prædictæ in Falckenstein pertinet. Ita Hundius,

*Spanheimense seu Sponheimense monasterium
in d. Moguntina.*

1044.

ANno Christi 1044. *Euerardus* Comes de Sponheim Ecclesiam in loco qui *Mons Campi* dicebatur antiquitus, fundauit. Anno 1101. *Stephanus* Comes de Sponheim Ecclesiam in Monte campi à suis progenitoribus fundatam in coenobium monachorum Ordinis D. Benedicti erigendum curauit. An. 1123. *Megenhardus* Comes, *Stephani* filius Ecclesiam & monasterium Sponheimense, dedicandum curauit in honorem B. Mariæ & S. Martini Turonensis Archiepiscopi. Plura vide in Chronico Sponheimensi *Ioannis* Tritemij huius loci Abbatis qui obiit Abbas S. Iacobi maioris apud *Herbipolim*

1011.

S. Dyssin

S. Dysibodi monasterium, in d. Moguntina.

ANno 1108. coeptum est monasterium
 construi in honorem S. Dysibodi.
 Pia namque memoria Burchardus Abbas D.
 Iacobj Moguntia, quem Ruthardus Archie-
 piscopus Ecclesiae S. Dysibodi primum Abba-
 tem praefecerat, II. Kal. Iulij primum funda-
 menti lapidem iussu praefati praesulis posuit.
 ita Dodechinus in Chronico: Vide Serarium
 lib. 5. Rerum Moguntiacarum in Ruthardo
 Archiepiscopo.

1108.

*Malharstorf, aliàs Malharzdorf, & Madil-
 hartstorf.*

Monasterium istud fundatur per Hen-
 ricum & Ernestum filium, Comites de
 Kirchperg, anno 1109. Auentinus in Anna-
 libus ita ponit: *Eadem tempestate Henricus &
 filius eius Ernestus Comites à Kirchperg, arcem
 suã Mallerstorf, in inferiori Bauaria prope Laber-
 amnem sitam, in templum commutant; Hart-
 rvicus Ratisbonensis Episcopus dicat, sacris D.
 Benedicti initiat, Burchardum Magistrum, id
 est, primum Abbatem legit.* Primò ibi iuxta ca-
 strũ, in quo Comites illi residebant, ædificata
 est capella in honorẽ S. Burchardi, quæ adhuc
 hodie vetus & prima fundatio appellatur, *die
 alt Stiff*, & non tantum pro Abbate & mo-
 nachis, sed etiam pro Priorissa & monialibus

1109.

S. Be-

S. benedicti Ordinis, quæ postea defecerunt, sicque totum castrum in monasterium transiit. Sunt autem in illa capella S. Burchardi non solum fundatores sepulti, verum etiam sex alij illius familiae; quod testatur vetustus lapis ibi cum hac inscriptione.

*Hic fundatores Comites tumulus capit iste,
In caelis. Christe, facies tibi proximiores.*

Hoc monasterium fuit per manum liberi hominis Eberhardi Ecclesiae Bambergensi collatum, confirmatumque per Innocentium Pontificem anno 1139.

CAPVT LXXXI.

Regni Scotiae monasteria varia.

Multa olim benedictini Ordinis monasteria in regno Scotiae exstiterunt, multique ex eo regno viri Apostolici in Germaniam superiorem atque inferiorem transmigrarunt: Ut ex Ioanne Molano in Natalibus Sanctorum belgij; ex Vigileo Hundio in Metropoli Salisburgensi, ex Gaspare Bruschio in Chronologia monasteriorum Germaniae, alijsque discere licet.

Inter Scotiae monasteria haec celebria fuerunt, *Dunelmense, Dunfermelinense, Scotense, Novocastrense* ut alia.

Dunfermilinensem Abbatiam excitauit *Edgarus LXXXIX. Scotiae Rex, & frater eius,*

atque